

Совхозин хоцрлтиг уурулхмн

Яшкульск района «Лиман-ный» совхоз нидн джилāk эдлахун өслтдән сән дигәр төгсәсмн. Мөнъгна орунь 1 сай 200 минъгн арслнь даву болс-мн. Энүнәсн иштәгъяр совхозин коллектив эн джил улм ик диилвр кўцх болдж даалгъвр авсмн.

Ода мал өсклгнә ик даалгъврта цаг ирәд, малин төл авлгн диглгдәд, малд хот белдлгнә ик кōдлмш кегддж йовх цагт, тер авсн өөдән ик социалистическ даалгъвран кўцәхин кергт совхозин цуг кōдләчнр, тўрүн болдж коммунистнр болн комсомольцнр, гардачнр улс чидлән нөлго кōдлцхәх бәәсмн. Болв тиим шунмгъа кōдлмш үзгддхәш.

Эн джил производственн зурагъар тәвгдсн төрмүдиг кўцәлгннд ик дуту-дунд гарчана. Совхозар 100 нәәднр хон болгънас 85-д хургн авгдв. Хōд үклгн совхозд ода чигн ик. Эн джилин 5 сарин туршарт, нидн джилин эн болзгла дүнъцүлхлә, үксн хургьдин болн хōөдин тонь 710 толгъа даву болв.

Урдн совхозин директор бәәсн үр Е. Алексеев болн совхозин специалистнр үвләр болн эрт хаврар хōд хургъллгнә кергиг сулар гарддж, хōчнрт тодрха сән гардвр өгч эс йовсн учрар тиим саалтгта йовдл хōд өсклгннд гарв.

Совхозд өвс хадлгнә болн хōд киргългнә кōдлмш муугъар кегддж йовна. Совхоз 37000 гар га газрт өвс хаддж хурахмн. Хадсна тонь майин 12 болхла 8700 га, ковнълснъ — 6900 га, устгт тәвгдснъ 3729

центнер. Өвс хадлгнә кōдлмшт соцдөрлдән сулар делгрдж йовна. машид хамхрад, эвдрәд, кōдлмш келго зогслтнъ ик. Ода кўртл совхозин директи болн эклц партийн организацти тўрүн нўүрт йовх механизатор-муд болн хōөчнр улсин кōдлмшинъ темдглдж, мōрә өгч бәәхш. Өвс зōөлгнә кōдлмшт хōөчнр төрүц орлцджахш.

Совхозд 36 минъгн хон киргъгдх бәәснәс ода зуг өрәл тонь киргъгдв. Негдгч фермд киргъәч улс уга болсн учрар, хōд киргългн хойр дакдж хооран саагдв.

Хōөчнрин бригадсин кōдлмшт бәәх дуту-дундст совхозин ах зоотехник үр Бельтинов килмджән тәвдж терүг хурдар уга кехин төлә төрүн кўчән гаргъхш. Ода кўртл хōөчнрин 45 хошмудас зуг 24 хошнъ зунә зуслнъд гарв. Ах хōөч Халгаевин хошд артезианск худгясвр угагъар үлдснә учрар, хōд гүн токталас услджатл, дарцлдад, 43 иргс дардж алв. Иим саалтгта йовдл совхозин кōдлмшт ик олн.

Шидр болсн партийн хург совхозин кōдлмшин йовудин тускар кўүндвр кегъад, ик шалгъллгнә харгъулв. Партийн бюрон сегләтр үр Хомутников гардвран сулдхсинъ хург заагъад, тодрха шиидвр авб.

Совхозин коммунистнр болн комсомольцнр, цуг кōдләчнр партийн хургин шиидвриг кўцәхин төлә шунмгъагъар кōдлцхәдж, кōдлмштнъ бәәх таслвриг даруд уга кех зōвтә.

В. АЛЕКСАНДРОВ.